

新疆圖志

辛亥冬月

少魯題

鐵
鑒

新疆圖志卷五十六

交涉志四

光緒十三年添設省城及南北兩路稅局並以俄國商務日就興盛奏請飭下總署照會俄使議訂稅則一律開辦以昭平允

案查是時俄使方請增設烏魯木齊總領事給予圈地推廣貿易旋因我欲議訂稅則迺飾詞延宕兩作罷論是年俄國地理會會員康穆才甫斯基爲大小帕米爾之游俄儲贐七千盧布以寵其行

歸國後地理會復贈以勲章所著遊記珍祕不傳
於世他國之人罕得而睹焉核其遊踪自帕米爾
外北至喀什噶爾南至葉爾羌東南自和闐入後
藏折回至坎巨堤一帶尤詳於喇斯穆庫河旁云
謹案新疆南連印藏西通波斯至於裏海常爲英
俄競爭之地兩國國家歲派游歷員跋履其間躬
冒艱險不憚冰雪瘴癘之苦由喀什噶爾南嚮則
取道和闐經波魯以入衛藏西嚮則取道喀魯爾
沿葉爾羌河經章宗戛爾以入大小帕米爾其由

喀魯爾分道南踰穆斯塔格山則爲入巴勒提之
路又沿葉爾羌河西至塔什庫爾干抵尼若塔什
山口之麓亦通大小帕米爾西人謂爲漢唐以來
庫西相通之孔道查新疆識畧葉爾羌西至色勒
庫爾回莊八百里正當其地卽今之蒲犁廳屬也
故遊歷諸人大都以葉爾羌喀什噶爾爲輿裝停
頓之所以其地處適中西行南行皆於此薈集也
凡遊歷西人多出其國之地理會旅行資斧咸取
給於會中歸則出其遊記報告於會會長得叙其

勞勩贈之勲章以旌其功其所記述則會中醖資
爲之刊行若關於國界之尤祕密者則錄而上於
政府國家常懸不次之賞以矜寵之以故其人常
受國人之歡迎雖蒙犯霜露觸冒寒暑而無少於
悵蓋名譽之心勝之也

光緒十四年錫綸升任伊犁將軍查伊犁積案甚多懲
前愆後深知司牙孜辦法有利無弊奏請仿照塔城
成案賡續舉行

案查錫綸奏言哈薩克部衆分屬中俄散處伊塔

邊境其人慄驚性成外屬俄者尤甚雖其酋長莫能鈐制互相劫掠即互相控告前在塔城任內習知其事因知照俄官試行司牙孜辦法公同派員會讞不用中俄法律但依哈部經典習慣之法或罰或賠彼族向有條例其中有應行增刪竄易者先期派員會同俄官擬訂以臻妥善俾易遵循現查伊犁中俄哈屬互控之案自光緒八年至今積壓至一千四五百宗之多其中尚有中國官兵及漢纏商民遭其戕害之事若再不清結將來愈多

深恐枝節橫生更形棘手當經知照俄國七河巡撫佛哩德請照塔城成案辦理接其回文允即派員會辦並送到豫定條約二十八條詳加覆核添擬八條照覆施行擇定霍爾果斯河迤北中俄邊界克依根地方設立會所兩國派員公同審理並定以每屆三年會辦一次永著爲例奏奉

俞旨是爲伊犁第一次辦司牙孜之始共結案一千五百餘起塔城叅贊大臣額爾慶額亦於是年續辦第三次司牙孜共結案一千五百四十三

起是年英官私與坎巨堤回部立約允予保護浸
與聞坎部內政坎巨堤西北有徑連通帕米爾者
西域圖志稱爲葉什勒庫者也當乾隆二十四年
戡定南疆將軍富德窮追霍集占回酋一至其地

事平

高宗純皇帝御製碑文勒銘紀功其土地勢穹隆
居葱嶺之脊布魯特回族常游牧揮帳焉嘉道以
後我邊吏以其地寫遠視爲甌脫久置不問至是
帕米爾西北境回衆稍稍附屬於俄其迤南小部

則附於英屬之阿富汗英人患俄據有全帕將南
閘坎巨堤以爭印度北部思有以甚俄之謀乃假
道於坎修築一路橫貫坎中北部抵興都哥士山
口扼要塞以備俄

光緒十五年帕米爾分界議起俄人康穆才甫斯基復
奉地理會之命由鄂什取道又名窩什在費爾干省
之東距喀城明璫卡約八日程續游帕境欲考察阿
富屬地略費爾依什坦

案查是時俄人方與阿富汗交爭帕地阿兵進踞

什克南禁俄人入其境康改道出喇斯穆庫山至
克什米爾都城爲英人所逐復入中國境至葉城
之奇靈時有俄人畢甫察甫偕鑛帥來游探測鑛
苗駐於和闐康乃順崑崙北麓東行會畢於泥雅
城取道托古茲達坂以入衛藏查康遊記云由泥
雅南至索爾曼克此爲崑崙北麓踰托古茲達坂
至波營初順庫喇哈河頗不易行二三日即否此
處平地高萬六千尺隨處皆冰寒表在二十度至
二十四度由波魯入藏歐人往來不少惟爲時太

早尚非通行以七八九月爲宜蓋康遊歷時在西
歷四月末當中歷三月也是時英國有坎巨堤之
役又值帕界紛爭未決英俄兩國遊歷之員交岔
於道時則有英人楊哈思班爲英國地理會之著
名遊歷家從北京騎馬直至克什米爾康穆才甫
斯基遊記謂楊哈思班真佼健之遊歷也信然楊
哈斯班此行專爲坎巨堤情形而來兼及大小帕
米爾形勢楊自克什米爾之拉達克循沙昔都拉
至葉城之奇靈西進至阿奇爾山探烏帕朗河順

南行至蘇格穆準噶爾溯考河源欲探穆斯塔格
通坎巨堤間道復從喇斯庫穆河至章宗戛爾大
道入帕境由塔克敦巴什南踰明塔戛山口抵坎
之混雜城同行者有馬格里畢次來那爾皆英人
惟畢來二人係往帕米爾一帶行獵者又有英國
地理會員的維森者繼至爲考察穆斯塔格山脈
亦結隊同遊楊哈思班輩行至布才拱巴什爲俄
軍所阻中道折回而的維森已躡俄境俄人以方
有軍事禁其遊歷居之於費爾干省謹案地形要

害與敵其者兵家所忌國之利器不可以示人故
俄人遊英屬則英逐之英人涉俄境則俄亦止之
其深謀遠計正復相同獨我國緣邊萬餘里彼族
恣意出入如履無人之闕測量圖繪無所留滯嗚
呼是亦可異也已

光緒十六年英國駐京使臣牒告我政府藉詞畫清阿
富汗邊界以勘分帕米爾之地爲請

案查我政府恐激俄人之爭拒弗許

光緒十七年俄兵侵入帕米爾境爲擴浩罕牧地兼通

道印度計英人亦襲娜格爾陳兵坎巨堤界以禦之
依山岩建礮臺俯臨坎境

案查時值坎部內訌坎酋賽必德忒里汗弑其父
母投殺兄弟於山下而自立國人大亂英國遂以
討逆平亂爲名由娜格爾進兵坎酋傾衆拒之英
軍連戰皆捷乘勝入踞坎之混雜都城坎人赴喀
什噶爾告急於我巡撫陶模電問於朝於時京外
議者咸以坎部舊爲藩服事連帕米爾邊界不宜
棄土地而侮戎心且聞阿富汗之兵已至帕之蘇

滿攬脅布回揚言東犯俄人又進兵帕地傳聞西
隊已與阿人戰於蘇滿東隊則遊戈於朗庫里湖
阿克塔什一帶距我邊漸近情殊叵測爭言用兵
將開邊釁獨陶模力持以爲不可議言能戡內寇
之將士未必足以禦強敵軍中資用饟械運諸內
地數月始達而俄人鐵路已築至撒馬兒罕英屬
鐵道亦接至北印之勞兒地方徵兵運饟遲速迥
殊且全疆南北邊隅與俄犬牙錯壤者幾五千餘
里雖增兵十倍不敷防守俄若輕騎襲我由齋桑

淖爾走布倫托海徑犯鎮西哈密即梗斷我咽喉
當此民窮財殫之時豈宜孟浪言戰輕啟衅端爲
靖邊計惟嚴飭將吏簡練軍實添購礮械推廣電
綫以慎固我封守一面鎮撫娜坎流民羈留坎酋
毋令走俄暱英庶得中策因具牒致俄費爾干巡
撫英印度總督並咨商總理衙門爭於駐京英俄
公使時政府亦知用兵非計電令駐俄使者許景
澄駁英使者薛福成詰難於英俄外部俄廷謾言
俄兵所至未越邊界非中國所宜問英人則謂坎

巨堤久服役於克什米爾英兵代娜語坎人勿助
以兵坎弗從曲在坎且坎酋弑父虐民掠賣英屬
人口罪當討許薛二使爭論旬月俄日防英英亦
日防俄竟相持不能決是年巡撫陶模以疆人屢
有增設省城總領事之請咨商總理衙門近屆十
年換約之期我亟應援約與議收稅以爲抵制總
署以爲然復牒告俄使往返辯論始終堅辭商務
未旺不果行

謹案帕米爾萬山崩劣屬中屬俄本無一定界綫